



華陽國志卷第七

劉後主志

後主諱禪字公嗣先主太子甘夫人所生也襲位時年十七

建興元年夏五月後

主即位尊皇后吳氏曰皇太后大赦改元於魏黃初四年吳黃武二年也

立皇后

張氏車騎將軍張飛女也封丞相亮武鄉

劉禪御下同

侯中護軍李嚴假節加光祿勳封都鄉侯督永安事中軍師衛尉魯國劉琰亦都鄉侯中護軍趙雲江州都督費觀屯騎校尉

丞相長史王連中部督襄陽向寵及魏延
吳懿皆封都亭侯楊洪王謀等閔內侯
南中諸郡並叛亂亮以新遭大喪未便加
兵遣尚書南陽鄧芝固好於吳吳王孫權
曰吾誠願與蜀和親但主幼國小慮不自
存芝對曰吳蜀二國之地吳有三江之阻
蜀有重險之固大王命世之英諸葛亮一
時之傑合此二長共為唇齒進可兼并天
下退可鼎足而峙李本作峙大王如臣服於魏魏則
上望大王入朝其次求太子入侍若其不

從則奉辭伐叛蜀必順流見可而進如此
江南之地非復大王之有也吳王大悅與
蜀和報使聘歲通芝後累往權曰若滅魏
之後二主分治不亦樂乎芝對曰滅魏之
後大王未深識天命者戰爭方始耳權曰
君之誠懇乃至於此書與亮曰丁宏李本亦空按張
陰化不實和合二國惟有鄧芝二年丞相
亮開府領益州牧事無巨細咸決於亮亮
乃撫百姓示儀軌約官職從權制盡忠益
時者雖讎必賞犯法怠慢者雖親必罰服

罪輸情者雖重必釋遊辭巧飾者雖輕必戮善無微而不賞惡無纖而不貶庶事精練物究其本循名責實虛偽不齒終乎封域之內畏而愛之刑政雖峻而無怨者以其用心平勸戒明也辟尚書郎蔣琬及廣漢李邵巴西馬勳劉安何李本並無空位為掾南陽宗預為劉李本作王主簿皆德舉也秦宓為別駕捷為五梁為功曹梓潼杜微為主簿皆州俊彥也而江夏費禕南郡董允郭攸之始為侍郎贊揚日月 吳遣中郎將張溫來聘報鄧芝也

將返命百官餞焉惟宓未往亮累催之溫問曰彼何人也亮曰益州學士者也及至溫問宓曰君學乎荅曰五尺童子皆學何況小人溫曰天有頭乎在何方也宓曰詩云乃眷西顧知其在西又曰天有耳乎宓曰詩不云乎鶴鳴九臯聲聞于天若無其耳何以聽之又曰天有足乎曰詩不曰乎天步艱難之子不猶若其無足何以步之又曰天有姓乎曰姓劉何以知之曰其子姓劉又曰日生於東乎曰雖生於東終沒

於西谷問如響之應聲温大敬服宓亦尋
遷右中郎將長水校尉大司農 三年春
長水校尉廖立坐謗訕朝廷改徙汶山立
自荊州與龐統並見知而性傲侮後更冗
散怨望故致黜廢 三月亮南征四郡以
弘農太守楊儀為叅軍從行步兵校尉襄
陽向朗為長史統留府事 秋南中平軍
資所出國以富饒 冬亮還至漢陽與魏
降人李鴻相見說新城太守孟達委仰於
亮無已亮方北圖欲招達為外援謂叅軍

蔣琬從事費詩曰歸當有書與子度相聞
對曰孟達小子昔事振威不忠後奉先帝
背叛反覆之人何足與書亮不荅詩數率
意而言故凌遲於世 十有二月亮至羣
官皆道迎而亮命侍郎費禕參乘禕官小
年幼衆士於是莫不易觀 四年永安都
護李嚴還督江州城巴郡大城劉李本作都以征西將
軍汝南陳到督永安封亭侯 是歲魏文
帝崩明帝立 五年魏太和元年也春丞
相亮將北伐上疏曰今天下三分益州疲

弊此誠危急存亡之秋也然侍衛之臣不

劉孝本作志

懈於內忠志之士亡身於外者咸追先帝

之遇欲報陛下也先帝以誠謹慎故臨崩

寄臣以大事受命以來夙夜憂歎故五月

渡瀘深入不毛今南方劉孝本作已以定兵甲同上以足當

武侯集作樊辛

帥將三軍北平中原庶竭駕鈍攘除奸凶

劉孝本有以字

克復漢室還乎舊都此臣所報先帝而忠

於陛下願陛下託臣以討賊興復不効則

治臣之罪以告先帝之靈陛下亦宜自謀

劉孝本作義

詔諏善道察納雅言不宜引喻失所以塞

忠諫之路也又曰親賢臣遠小人先漢所

以興隆昵小人踈君子後漢所以傾覆侍

中郭攸之費禕武侯集作損侍郎董允先帝簡拔以遺

陛下斟酌規益進盡忠言則其任也宮省

之事悉以諮之必能裨補闕漏有所廣益

也 以尚書南陽陳震為中書令治中張

裔為留府長史與參軍蔣公琰知居府事

二月亮出屯漢中營沔北李本誤五陽平石馬以

鎮北將軍魏延為司馬 六年春丞相亮

揚聲由斜谷道取郿使鎮東將軍趙雲中

監軍鄧芝據箕谷為疑軍魏大將軍曹真
舉眾當之亮身率大眾攻祁山劉吳李本作祁賞罰肅而
号令明天水南安安定三郡叛魏應亮關
中響震魏明帝西鎮長安命張郃拒亮亮
使參軍襄陽馬超裨將軍巴西王平及張
沐李盛黃襲等在前違亮節度為郃所破
平獨斂眾為殿而雲芝亦不利亮拔將西
縣千餘家還漢中戮謬及沐盛以謝眾奪
襲兵貶雲秩長史向朗以不時臧否免罷
超遷平參軍進位討寇將軍封亭侯統軍

劉李本亦誤歟

劉吳李本作寇

李本作六年

五年亮上疏曰臣以弱才叨竊非據親秉
旄鉞以厲三軍不能訓章明法臨事而懼
至有街亭違令之闕箕谷不戒之失咎皆
在臣臣授任無方春秋責帥職臣是當請
自貶三等以督厥咎於是亮為右將軍
行丞相事辟天水姜維為倉曹掾加奉義
將軍封當陽亭侯亭書與長史張裔參軍
蔣琬稱維曰姜伯約西州上士馬季常李
永南不如也冬亮復出散關圍陳倉糧盡
還魏將王雙追亮亮合戰斬雙七年春

劉吳李本無空位

丞相亮遣護軍陳戒攻武都陰平魏雍州
刺史郭淮出將擊戒亮自至建威淮退遂
平二郡 後主詔策亮曰街亭之敗咎由
馬謖而君引愆深自抑損重違君意聽順
所守前年耀師馘斬王雙今歲授征郭淮
遯走降集氐羌興復二郡威震凶暴功勲
赫然復君丞相君其無辭 夏四月吳主
孫權稱尊遣魏尉陳震慶問吳與蜀約分
天下 冬城漢樂 八年春丞相亮以參
軍楊儀為長史加綏遠將軍遷姜維護軍

征西將軍 秋魏大將軍司馬宣王由西
城征西車騎將軍張郃由子午大司馬曹
真由斜谷三道將攻漢中丞相亮軍城固
表進江州都護李嚴驃騎將軍將二萬人
赴漢中嚴初求以五郡為巴州書告亮言
魏大臣陳羣司馬懿並開府亮乃加嚴中
都護以嚴子豐為江州都督大雨道絕真
等還丞相亮以當先北征因留嚴漢中署
留府事嚴改名平 丞相司馬魏延將軍
吳懿西入羌中大破魏後將軍費曜雍州

刺史郭淮于湯溪延遷前軍師鎮西將軍
封南鄭侯懿左將軍高陽鄉侯徙魯王永
為甘陵王梁王理為安平王皆以魯梁在
吳分故也吳何本作凌九年春丞相亮復出圍祈山
始以無牛運參軍王平守南圍司馬宣王
拒亮張郃拒平亮慮糧運不繼設三策告
都護李平曰上計斷其後道中計與之持
久下計還住黃土時宣王等糧亦盡盛夏
雨水平恐運漕不給書白亮宜振旅夏六
月亮承平指引退張郃至青封交戰為亮

所殺秋八月亮還漢中平懼亮以運不
辦見責欲殺督運領岑述驚問亮何故來
還又表後主言亮偽退亮怒表廢平為民
徙梓潼奪平子豐兵以為從事郎郎與長

史蔣琬共知居府事時費禕為司馬也

十年春丞相亮休士勸農車騎將軍劉琰

劉本誤興

與軍師魏延不和還成都秋旱亮練兵講

武十一年魏青龍元年也丞相亮治斜

谷閣運糧谷口十二年春丞相亮以流

馬運從斜谷道出武功據五丈原與司馬

宣王對於渭南亮每患糧不繼使志不伸

乃分兵屯田為久住之基耕者雜於渭濱

居民之間百姓安堵軍無私焉秋八月

亮疾病卒于軍時年五十四還葬漢中定

軍山塚足容棺歛以時服謚曰忠武侯鎮

西大將軍魏延與長史楊儀素不和亮既

恃延勇猛又惜儀籌畫不能偏有所廢帝

恨恨之為作甘歲論二子不感延常舉刃

擬儀涕淚交流惟護軍費禕和解中間終

亮之世盡其器用儀欲案亮成規將喪引

退使延斷後姜維次之延怒舉軍先歸南

鄭各相表反留府長史蔣琬侍中董允保

楊儀疑延延逆欲擊儀儀遣平北將軍馬

武討滅延延自以武幹常求將數萬別行

依韓信故事亮不許以亮為怯及儀將退

使費禕造延延曰公雖亡吾見在當率眾

擊賊豈可以一人亡廢國家大事乎使禕

報儀不可故欲討儀儀率諸軍還成都大

赦以吳懿為車騎將軍假節督漢中事初

亮密表後主以儀性狷狹若臣不幸可以

九

蔣琬代臣於是以前琬為尚書令總統國事
以儀為中軍師司馬費禕為後軍師征西
姜維為右監軍輔漢將軍鄧芝前軍師領
兖州刺史張翼前領軍並典軍政 廖立
在汶山聞亮卒垂泣曰吾終於左社矣李
平亦發病死初立平為亮所廢安奄沒齒
常冀亮當自補復策後人不能故感憤焉
十三年拜尚書令蔣琬為大將軍領益州
刺史以費禕為尚書令時新喪元帥遠近
危悚琬超登大位既無戚容又無喜色眾

李本誤當

劉宋何李本作焉

劉宋本誤補

望漸服侍郎董允兼虎賁中郎將統宿衛
兵軍師楊儀自以年官在琬前雖同為參軍長
史已常征伐勤苦更處琬下書怨望謂費
禕曰公亡際吾當舉眾降魏處世寧當落度
如此邪

劉宋本誤王
吳何本有令人悔不可追句劉李本無而以禕表其言提行

禕表其言廢徙漢嘉儀

又上書激切遂行儀重辟 吳以亮之卒也
增巴丘守萬人蜀亦益白帝軍右中郎宗
預使吳吳主曰東之與西共為一家何以
益白帝守預對曰東征巴丘之戍蜀益白帝
之兵俱事勢宜然不足以相問也

年夏四月後主西巡至瀕山登坂觀汶川之流武都氏王符健請降將軍張尉迎之過期不至大將軍琬憂之牙門將巴西張嶷曰健求附款至必無^{聖作他變蜀漢廢唐作他變}遲滯聞健第狡不能同功各將乖離是以^{李本作稽}稽耳健弟果叛就魏健率四百家隨尉居廣都縣十五年魏景初元年也夏六月皇后張氏薨謚曰敬哀是歲車騎將軍吳懿卒以後典軍安漢將軍王平領漢中太守代懿督漢中事懿從弟班漢大將軍何進官屬吳

匡之子也名常亞懿官至驃騎將軍持節鄉侯時南郡輔匡光弼零陵劉邕南和官亦至鎮南將軍潁川袁淋南郡高翔至大將軍淋征西將軍李本誤袁延熙元年春正月立皇后張氏敬哀皇后妹也大赦改元立子璿為太子瑤為安定王以典學從事巴西譙周為太子家令梓潼李譔為僕射皆名儒也冬十二月大將軍琬出屯漢中劉本更置更置王平夏拜王平以前護軍署大軍府事尚書僕射李福為前監軍領大將軍司馬延熙二

年春三月進大將軍琬大司馬開府辟治
中從事掾為楊儀為東曹掾義性簡琬與
言時不應荅羣吏以為慢琬曰夫人心不
同各如其面面從後言古人所戒義欲贊
吾是耶則非本心欲反吾言也則顯吾之
非是以嘿然此義之快也聖帝在字蜀書將琬傳督農楊敏常
毀琬作事憤憤誠非前人也或以白琬琬
曰吾信不如前人主者白乞問憤憤狀琬
曰苟其不如則憤憤矣復問何也後敏坐
事下獄人以為必死琬心無適莫是以上

下輯睦歸仰於琬蜀猶稱治

輔漢將軍

此三行與明本先後不同

姜維領大司馬是歲西征入羌中魏明帝

崩齊王即位延熙三年魏正始元年也

安南將軍馬忠率越雋太守張嶷平越雋

郡四年冬十月尚書令費禕至漢中與大

司馬琬諮論事計歲盡還五年春正月姜

維還屯涪縣大司馬琬以丞相亮數入秦

川不克欲順沔東下征三郡朝臣咸以為

不可安南將軍馬忠自建寧還朝因至漢

中宣詔旨于琬琬亦連疾動輒計遷忠鎮

南大將軍封彭鄉侯六年大司馬琬上疏
曰臣既闇弱加嬰疾疹奉辭六年規方無
成夙夜憂慘今魏跨帶九州除之未易如
東西掎角李本作犄但當蠶食然吳期二三連不克
果輒與費禕馬忠議以為涼州胡塞之要
宜以姜維為涼州刺史銜持河右今涪水
陸四通惟急是赴東北之便應之不艱劉吳何李本作難
冬十月琬還鎮涪以王平為鎮北大將軍
督漢中事姜維鎮西大將軍涼州刺史
十有一月大赦遷尚書令費禕大將軍錄

尚書事就遷江州都督鄧芝車騎將軍

七年閏月魏大將軍曹爽征西將軍夏侯

玄征蜀王平白與護軍零陵劉敏距興勢

圍以大司馬琬疾病假大將軍禕節率軍

自成都赴漢中旌旗啓路馬人探甲羽檄

交馳嚴鼓將發光祿大夫義楊來敏求共

圍綦禕留意博奕李本作博色守自若敏曰聊試君

耳君信可人必能辦賊者也比至爽等退

命鎮南大將軍馬忠劉吳何李本作守尚書事夏四月安

平王卒子胤嗣 秋九月禕還大司馬琬

以病固讓州職李本作於于費禕董允於是禕加劉吳何李本無空位

大將軍領益州刺史允加輔國將軍守尚

書令允立朝正色處中上則匡主下帥劉吳何李本無空位

羣司于時蜀人以諸葛亮蔣費及允為四

相一號四英官人黃皓便僻佞慧畏允不

敢為非後主欲採擇允曰妃后之數不可

過十二允常與典軍義陽胡濟大將軍禕

共期遊晏命駕將出郎中襄陽董恢造允

脩敬自以官卑何作年少去 留書董允傳少行求索去允曰本所以

出者欲與同好遊談耳君以自屈方展開

積舍此就彼非所謂也命解驂止駕允之

下士接物皆此類也君子以為有周公之

德 八年秋皇太后吳氏薨謚曰穆 冬

十有一月大將軍禕行軍漢中九年夏六

月禕還成都 秋大赦司農孟先劉吳何李本無空位眾責禕

曰夫赦者偏枯之物非明世之所宜有也

今主上賢仁百寮稱職有何旦夕之急數

施非常之恩以惠奸軌之惡上犯天時下

違人理豈具瞻之高美所望於明德哉禕

但顧謝焉初丞相時有言公惜赦者劉吳何李本無空位答曰

治世以大德不以小惠故匡衡吳漢不願
為赦先帝亦言吾周旋陳元方鄭康成間
每見啟告治亂之道備曾不語赦也若景
升季玉父子歲歲赦宥何益於治故亮時
軍旅屢興赦不妄下也自亮歿後茲制遂
虧蜀初闕三司之位以待天下賢人其
卿士皆勲德融茂太常杜瓊學通行脩衛
尉陳震忠惇篤粹孟光亮直著聞皆良幹
也但光好指摘利病大長秋南陽許慈普
記闕復案在直載籍典當舊文字 劉季本宜在互有性字 何本無性字
蜀書許慈傳光祿來敏舉措不慎

失勢事者指當世美名不及特進太常廣

漢鐔承光祿勲河東裴雋也其朝臣尚書

巴西司學義陽胡博僕射巴西姚佃侍中

汝南陳祗竝讚事業劉季何季本無位以故丞相長史向

朗為左將軍朗自去長史優游無事乃劉季何季本無位

鳩合經籍開門誘士講論古義不豫世務

是以上自勢事下及童冠莫不宗敬焉

冬十有一月大司馬琬卒謚曰恭侯中書

令董允亦卒超遷蜀郡太守南陽呂又為劉季何季本無位

尚書令進姜維為衛將軍與大將軍禕並

錄尚書事維出隴西與魏將郭淮夏侯霸

劉季本有軍字

戰尅之十年涼州胡王白虎文治無戴

等率眾降魏將軍維徙之繁縣汶山平

劉季本有軍字

康夷反維復討平之過見廖立意氣自若

維還假節十一年鎮北將軍王平卒以

中監軍胡濟為驃騎將軍假節領兗州刺

史代平督漢中事平始出軍武不大知書

性警郎謂有思理與馬忠並垂事績平同郡

勾扶亦果壯亞平官至右將軍封宕渠侯

後張翼與襄陽廖化並為大將故時人為

語曰前有何勾後有張廖平本養外家何

氏後復姓夏五月大將軍禕出屯漢中

十二年魏嘉平元年也魏誅大將軍曹爽

右將軍夏侯霸來降淵子也拜車騎將軍

四月大赦秋衛將軍維出雍州不克將

軍勾安李韶降魏十三年衛將軍維復

出西平不克而還十五年吳主孫權薨

子亮立來告赴之如古義也立子琮

為西河王命大將軍禕開府尚書令

呂又卒以侍中陳祗守尚書令加鎮軍將

軍 十六年春正月朔魏降人郭修劉孝本作修因賀

會手刃殺大將軍費禕於漢壽謚曰敬侯

禕當國名略與蔣琬比而任業相繼功高李作功雖典

戎于外慶賞刑威咸咨於已承諸葛之成劉孝本作任

規因循不革故能邦家和壹自禕歿後闒

官并權衛將軍維自負才兼文武加練西

方風俗謂自隴以西可制而有禕常裁制

至是無憚屢出師旅功績不立政刑失錯

矣 四月維將數萬攻南安魏雍州刺史

陳泰抹之維糧盡還 十七年魏正元元

年也 春衛將軍維督中外軍事大赦 夏

六月維復出隴西狄道長李簡舉縣

降維圍襄武魏大將徐質抹之維拔狄道

河間臨洮三縣民入蜀居于綿竹及繁

是歲魏帝齊王廢高貴鄉公即祚 十八

年春衛將軍維復議出征征西大將軍張

翼廷爭以國小不宜黷武維不聽 夏率

車騎將軍夏侯霸及翼出狄道大破魏雍

州刺史王經于洮西經衆死數萬經退保

狄道城翼曰可以不宜進或毀此成功為

蛇畫足維必進魏征西將軍陳泰抹狄道
維退駐鍾題 十九年魏甘露元年也
春進衛將軍姜維為大將軍 秋八月維
復出天水至上邽鎮西大將軍胡濟失期
不至大為魏將鄧艾所破死者衆士庶由
是怨維而隴以西亦無寧歲 冬維還謝
過引負求自貶削於是維為後將軍行
大將軍事立子瓚為新平王大赦 二十
年春大赦魏征東大將軍諸葛誕以淮南
叛連吳魏分關中兵東下後將軍姜維復

劉孝亦無此字吳何本有蜀書姜維傳有

從駱谷出長城軍芒水與魏大將司馬望
鄧艾相持 景耀元年維以誕破退還成
都復拜大將軍 史官言景星見大赦改
元 官人黃皓皓與尚書令陳祗祗相表裏始
豫政皓自黃門丞至今年為奉車騎尉中
常侍 姜維雖班在祗右權任不如蜀人
無不追思董允者時兵車久駕百姓疲弊
太中大夫譙周著仇國論言可為文王難
為漢祖人莫察焉 征北大將軍宗預自
永安徵拜鎮南將軍領兗州刺史以襄陽

劉孝亦無此字吳何本有蜀書姜維傳有

羅憲為鎮軍督永安事 吳大臣廢其主
亮立孫休來告難如同盟也 大將軍維
議以為漢中錯守諸圍適可禦敵不獲大
利不若退據漢樂二城積穀堅壁聽敵入
平且重關鎮守以御大敵攻關不克野無
散穀千里懸糧自然疲退此殄敵之術也
於是督漢中胡濟却守漢壽監軍王舍守
樂城護軍蔣舒守漢城又於西安建威
衛石門武城建昌臨遠皆立圍守 二
年夏六月立子諶為北地王恂為新興王

列吳何字本無空位

蜀書蔣琬傳後作蔣斌

吳何本作舍

虔為上黨王

以征西張翼為左車騎將

軍領冀州刺史廣武督廖化為右車騎將

軍領并州刺史時南郡閻宇為右衛大將

軍 秋八月丙子領中護軍陳祗卒謚曰

忠侯祗在朝上希主指下接閭宦後主甚

善焉以僕射南鄉侯董厥為尚書令三年

魏景初元年也 秋九月追謚故前將軍

關羽曰壯繆侯車騎將軍張飛曰桓侯驃

騎將軍馬超曰威侯軍師龐統曰靖侯後將

軍黃忠曰剛侯 是歲魏帝高貴鄉公

卒常道鄉公即帝位 四年春三月追謚
故鎮軍趙雲曰順平侯 冬十月大赦拜
丞相亮子武鄉侯瞻中都護衛將軍遷董
厥輔國大將軍與瞻輔政以侍中義陽樊
建守尚書令自瞻厥用事黃皓秉權無能
正矯者惟建持不與皓和好往來而秘書
令河南郗正劉宋文與皓比屋周旋皓從微至著
既不憎文劉宋文又不愛之官不過六百石常免
於憂患 五年春正月西河王琮卒 大
將軍維惡皓之恣擅啓後主欲殺之後主

曰皓趨走小臣耳往者董允切齒吾常恨
之君何足介意維本李本作疑羈旅自託而功效無
稱見皓枝附劉宋詳業菜連懼於失言遜辭而出後
主勅皓詣維陳謝維誘皓求沓中種麥以
避內逼皓承白後主秋維出侯和為魏將
鄧艾所破劉宋詳業還駐沓中皓協比閭宇欲廢維
樹宇故維懼不敢還 六年春魏相國晉
文王命征南將軍鄧艾鎮西將軍鍾會雍
州刺史諸葛緒益州刺史師纂李本作纂五道伐蜀
大將軍姜維表後主求遣左右車騎張翼

廖化督諸軍分護陽安關口及陰平橋頭
黃皓信巫鬼謂敵不來啓後主寢其事羣
臣不知 夏艾將入沓中會將向駱谷蜀
方聞之遣張翼董厥為陽安關外助廖化
為維援繼大赦改元炎興比至陰平聞諸
葛緒向建威故待月餘維為鄧艾所催還
陰平 鍾會圍樂城遣別將攻關分將蔣
舒開門降督李本傳傳列本亦誤傳僉奮戰而死 冬會以樂
城不下 徑長駟而前翼厥之至漢壽也
維化捨陰平還保劔閣拒會會不能尅糧運

懸遠議欲還而鄧艾由陰平景谷傍入後
主又遣都護諸葛瞻督諸軍距艾至漢涪
不進尚書郎黃崇權子也勸瞻速行固險
無令敵人入坪言至流涕瞻不從前鋒已
破艾徑至涪瞻退綿竹艾書誘瞻曰若降
者必表封琅琊王瞻怒殺艾使戰于綿竹
瞻軍敗績瞻臨陣死崇及羽林督李球尚
書張遵必死沒命瞻長子尚歎曰父子
荷恩不早斬黃皓以致敗國殄民用生何
為乃駟馬赴魏軍而死 百姓聞艾入

坪驚逆山野後主會羣臣議欲南入七郡
或欲奔吳光祿大夫譙周勸降魏魏必裂
土封後主後主從之遣侍中張紹駙馬都
尉鄧良齎璽綬奉牋詣艾降北地王譙志
憤殺妻子而後自殺艾至成都後主舉
檄面縛劉本誤縛下同銜壁迎艾親釋其縛受其壁焚其
櫬承制拜驃騎將軍使止其宮執黃皓將
殺之受賂而赦之諸圍守皆奉後主勅劉本何字本無空在
令乃下姜維未知後主降謂且固城素與
執政者不平欲使其知衛敵之難而後逞

志乃迴由巴鄣出鄣五城會被後主手令
乃投戈釋甲詣鍾會降于涪軍士莫不奮
擊以及斫石明年春正月會構艾檻車

見徵會圖異計竒維雄勇還其節益本兵

謂長史杜預曰姜伯約比中州名士夏侯

太初諸葛公休不如也劉本作大鄧艾亦謂蜀人曰

姜維雄兒也會維到出同車坐同席將至

成都自稱益州牧以叛恃維為瓜牙欲遣

維為前將軍伐中國維既失策又知會志

廣教會誅北諸將諸將既死徐欲殺會盡

坑魏兵還後主密書通後主曰願陛下忍
數日之辱臣欲使社稷危而復安日月幽
而復明魏太后崩會命將發喪因欲追之
劉季本作謀諸將半入而南安太守胡烈等知其謀燒
成都東門以襲殺會及維張異後主太子
璿等軍衆抄掠數日乃定 劉季作三三月後主舉
家東遷洛陽 丁亥封安樂縣公食邑萬
戶賜絹萬疋奴婢百人他物稱此兄弟子
孫為郡都尉侯者五十餘人以譙周全國
劉季本誤濟濟民封城陽亭侯秘書令却正舍妻子隨

侍後主相導威儀封關內侯於是尚書令
樊建殿中督張通侍中張紹亦封侯劉氏
凡得蜀五十年正稱尊号 劉季何本作號四十二年 蜀
郡太守王崇論後主曰昔世祖內資神武
之大才外拔四屯之奇將猶勤而獲濟然
乃登天衢車不輟駕坐不安席非淵明弘
鑒則中興之業何容易哉後主不常之君
雖有一亮之經緯內無骨附之謀外無爪
牙之將焉可苞括天下也又曰鄧艾以疲
兵二萬溢出江由姜維舉十萬之師案道

南歸艾為成禽禽艾已訖復還拒會則蜀
之存亡未可量也乃迴道之已遠至五城
使艾輕進徑及成都兵分家滅已自招之
然以鍾會之智略稱為子房姜維陷之莫
至尅捷籌筭劉本作筭吳何本作策相應優劣惜哉愚以為維徒
能謀一會不慮窮兵十萬難為制御美意
播越矣

誤曰諸葛亮雖資英霸之能而主非中興
之器欲以區區之蜀假以廢之命北吞強
魏抗衡上國不亦難哉似宋襄求霸者乎

然亮政脩民理威武外振爰迄琬禕遵脩
弗革攝乎大國之間以弱為強猶可自保
姜維才非亮匹志繼洪軌民嫌其勞家國
亦喪矣

華陽國志卷第八

大同志

古者國無大小必有記事之史表成著敗
以明懲勸稽之前式州部宜然自劉氏祚
替而金德當陽天下文明不及曩世逮以
多故族祖武平府君漢嘉杜府君並作蜀
後志書其大同及其喪亂然逮在李氏未
相條貫又其始末頗有劉氏作或不詳第璩往在蜀
櫛沐艱難備諸故事更叙次顯挺年号
上以彰明德下以治違亂庶幾萬分有益

國史之廣識焉

吳何本作以

魏咸熙元年蜀破之明

年也以東郡袁邵為益州刺史隴西太守

劉本作邵

原說成李本作城

安平牽弘為蜀郡金城太守天水楊欣為

犍為太守後主既東遷內移蜀之大臣

宗預廖化及諸葛顯等并三萬家於東及

關中復二十年田租董厥樊建並為相國

叅軍冬分州置梁州遣厥建兼散騎常

侍使蜀慰勞晉泰始元年春刺史袁邵

劉吳何李本作慰

以治成將被徵故蜀侍郎蜀郡嘗忌詣相

國府陳邵撫卹有方遠國初附當以漸導

化不宜改易州將失遐外心相國聽留辟

忌為舍人冬十月晉武帝踐祚二年

春武帝弘納梁益引援方彥用故黃金督

蜀郡柳隱為西河巴郡文立為濟益太守

劉李本誤尚

常忌河內縣令四年故中軍士王富有

罪逃匿密結亡命刑徒得數百人自稱諸

葛都護起臨邛轉侵江原江原方略吏李

劉李本亦作問

劉何李本作問

高閭術縛富送宋刺史童策斬之初諸葛

吳何本作問

瞻與鄧艾戰於綿竹也時身死失喪或言

生走深逃瞻親兵言富貌似瞻故富假之

也 五年散騎常侍文立表復假故蜀大臣名勲後五百家不預廝劇皆依故官号劉晏有本作號為降 六年分益州南中建寧雲南永昌興古四郡為寧州 七年汶山守兵呂臣等殺其督將以叛族滅之初蜀以汶山西五郡北逼陰平武都故於嶮要置守自汶江龍鶴冉駝白馬匡用五圍皆置修屯牙宋本作斤門晉初以御夷徼因仍其守 八年三蜀地生毛如白毫三夕長七八寸生數里十年汶山白馬胡恣縱掠諸種夏刺史皇

甫晏表出討之別駕從事王紹等固諫不從典學從事蜀郡何旅諫曰昔周宣王六月北伐者獫狁孔熾憂及諸夏故也今胡夷相殘戎虜之常未為大患而盛夏出軍水潦將降必有疾疫宜須秋冬圖之未晚晏不聽遂西行軍城比吳何本無城比四字入虜入營中軍占以為不祥晏不悟胡康水子燒香言軍出必敗晏以為沮衆斬之 夏五月軍至都安屯觀坂上旅復諫曰今所安營地名觀坂自上觀下反上之象徵不吉昔漢祖悟

栢人以免難岑彭惡彭亡而不去遂陷於
禍宜移營他所晏不納其言夜所將中州
兵蔡雄宣班張儀等以汶山道險心畏胡
之強晏復諫李本作於干時衆庶所怨遂引牙門張
弘督張衡等反殺晏衆夜亂不知所為惟
曹從事捷為楊倉彎弓力戰射百餘發且
詈雄衆擊之盡見煞從事廣漢王紹亦赴
之死初晏未出蜀中傳相告曰井中有人
學士靳普言客入東井劉李本無井字是河本無下東字東井益州之分野
憂刺史戒客人耳又有猛風是逆風其日

觀卦用事若軍西行護觀坂門人向天井
益可慮也故旅勸諫云卒如其言弘等遂
誣表晏欲率已共反故殺之求以免罪其
衆抄掠百姓廣漢主簿李毅白太守弘農
王濬宜急救李本作救急益州禍亂保晏無惡必為弘
等所枉害濬從之而晏主簿蜀郡何攀以
母喪在家聞亂釋纓經詣洛訴晏忠孝而
弘等惡逆事得分明劉李本明作詔詔作謂詔書因以濬為益州
刺史加輕車將軍濬斬弘等益州平
咸寧三年春刺史濬誅捷為民陳瑞瑞初

以鬼道惑民一道始用酒一斗魚一頭不
奉他神貴鮮潔其死喪產乳者不百日不
得至道治其為師者曰祭酒父母妻子之
喪不得撫殯入弔及問乳病者轉奢靡作
朱衣素帶朱幘進賢冠瑞自稱天師徒眾
以千數百劉吳何亦作數百濬聞以為不孝誅瑞及祭酒袁
旌等焚其傳舍益州民有奉瑞道者見官
二千石長吏已郡太守犍為唐定等皆免
官或除名蜀中山川神祠皆種松柏濬
以為非禮皆廢壞燒除取其松柏為舟船劉吳何亦作松柏

惟不毀禹王祠及漢武帝祠又禁民作巫
祀於是俗無淫祀之俗教化大行有木連
理嘉禾黃龍甘露之祥三月被詔罷屯
田兵大作舟舡劉吳亦誤舡下同為伐吳計別駕何攀以為
佃兵但五六百人無所辦宜召諸休兵借
諸郡武吏并萬餘人造作歲終可成濬從
之攀又建議裁舡入山動數百里艱難蜀
民冢墓多種松柏宜什四市取入山者少
濬令攀典舟舡器仗冬十月遣攀使詣
洛表可征伐狀因使至襄陽與征南將軍

羊祜荆州刺史劉吳何李本無字 宋廷論進取計 四年

春漢中都吏龔祚等謀殺太守姜宗以叛

宗覺堅守祚等燒南鄭市及平民屋族誅

刺史濟劉吳何李本有當字遷大司農至漢壽重遣參軍李毅

詣洛與何攀並表求伐吳 五年詔書

拜濟龍驤將軍假節監梁益二州軍事除

何攀郎中參軍事以典軍從事張任趙明

李高徐兆為牙門姚顛郗堅為督 冬當

大舉秋攀使在洛安東將軍王渾表孫皓

欲北侵請兵朝議征却須六年攀因表

可因今取之策皓必不自送帝乃許焉

冬十有二月濟因自成都帥水陸軍及梁

州三水胡七萬人伐吳臨發斬牙門將李

延所愛待將也吳何李本無字以爭騎斬衆莫不肅至江

州詔書進濟平東將軍都督二州巴東監

軍唐彬及平劉吳何李本無字南軍皆授指授別遣參軍

李毅將軍由涪陵入取武陵會巴陵

太康元年春三月吳平攀毅以下功封各

有差以淮南胡羆為益州刺史濟遷輔國

將軍劉吳何李本無字初濟將征問普今行何如普對

日客星伏南斗中而太白歲星在西方占
日東方之國破必如志矣普學術不貪榮
貴卒於布衣 三年更以益梁州為輕車
刺史乘傳奏事以蜀多羌夷置四夷府以
平吳軍司張牧為校尉持節統兵州別立
治西夷治蜀各置長史司馬 五年罷寧
州諸郡還益州置南夷校尉持節如西夷
皆舉秀才廉良 八年武帝子成都王穎
受封以蜀郡廣漢犍為汶山十萬戶為王
國易蜀郡太守号為成都內史 元康六

吳何本以下何封字

劉晏何本無為字

劉晏何本無為字

年復以梁益州為重州遷益州刺史粟譏
為梁州加材官將軍揚烈將軍趙廞為益
州刺史加折衝將軍 劉晏何本無為字 關中氐及馬蘭羌
反寇天水略陽扶風始平武都陰平發梁
州及東羌鎮西討之不克益州遣牙門馬
玄尹方棊援之以鹿車運成都米給軍糧
八年廡至州雖崇簡約而性實奢泰略陽
天水六郡民李特及弟庠閻式趙肅何巨
李遠等及氐僂青叟數萬家以郡土連年
軍荒就穀入漢川詔書不聽入蜀益州勅

劉晏何本無為字

劉晏何本無為字

劉晏何本無為字

閔禁之而戶曹李苾李本作苾開閔放入蜀布散梁

州及三蜀界汶山興樂縣黃石北地盧水

胡成豚堅安角成明石等與廣柔平康文

降劉紫利羌有讎遂與蜻蚘羌邛逢等數

千騎劫縣令求助討紫利太守楊邠捷殺

豚堅而降其餘類餘類遂叛殺長吏冬

西夷校尉西平麴炳表出軍遣牙門將孫

眺為督護萬人爭之戰于常安大為胡所

破九年炳以敗軍徵還晉夏用江夏

太守陳摠為代胡退散永康元年詔徵

刺史廡為大長李本作太 劉莫何李本無在秋遷成都內史中山耿

滕為益州刺史折衝將軍因廡所服佩初

廡以晉政衰而趙星黃占曰星黃者主陰

懷異計蜀土四塞可以自安乃傾倉賑施

流民以收衆心以李特弟庠衛六郡人勇

壯厚邨遇流民恃此專為劫盜蜀民患之

滕數密表流民剛戇而蜀人懦弱客主不

能相饒宜移還其本土不者與東三郡隘

地觀其情態漸不可長將移秦雍之禍於

梁益矣又言倉庫虛竭無以應鋒鏑之急

此非李苾弟

必益聖朝西顧之慮由是廩惡滕州被詔
書已遣文武千餘人迎滕滕以廩未出州
故在郡廩募庠黨羅安王利等劫滕大敗
於廣漢宣化亭殺傳詔者滕議欲入州城
功曹陳恂諫曰今州郡並治兵怨邁日深
入城必有大禍不如安住少城檄諸縣合
村保以備秦氏劉李本作氏陳西夷行至且觀其變不
爾可退住犍為西渡江原以防非常滕不
從冬十有二月滕入城登西門廩遣
親近代茂取滕茂告之而去劉李本無空位
廩又遣

兵討滕滕軍敗績自投少城上吏左雄負
滕子竒依民宋寧藏廩購千金寧不出尋
廩敗得免郡吏皆竄走惟陳恂面縛詣廩
請滕死喪廩義而不殺也恂與戶曹掾常
敞共備棺塚葬之劉李本無空位廩又遣軍逆陳摠摠
至江陽聞廩有異志主簿趙模進曰今州
郡不協必生大變惟當速行府是兵要助
順討逆莫有動者也摠更緣道遲留至南
安魚涪津以與廩軍遇白摠散財貨募士
卒距戰若克州軍則州可得_不克順流而

退必無害也。搃不能更曰趙益州忿耿侯
故殺之與吾無嫌何為如此。模曰今州起
事必當立威。雖不戰無益也。言至垂涕。搃
不聽。衆苑李本作苑搃逃草中。模衣搃服格戰。廩兵
殺模。見非搃乃搜求。搃殺之。廩自稱大將
軍益州牧。以武陽令蜀郡杜淑別駕張繫
巴西張龜西夷司馬龔斤江原令犍為費
遠等為左右長史。司馬叅軍劉本無字徒犍為太
守李庠為威寇將軍。召臨邛令涪陵許弁
為牙門將。召諸王官莫敢不往。又以廣漢

太守張微汶山太守楊邠成都令費立為
軍祭酒時庠與兄弟流釀妹婿李含天水
任回上官晶扶風李攀始平費他氏符成
隗伯董騰等四千騎在北門廩使庠斷北
道庠素東羌良將曉軍陳不用麾志舉矛
為行伍庠勸稱大號漢庠部下攬廩等
忌之遂於會所斬庠及其兄子弘等十餘
人慮特等為變又命為督將安慰其軍還
特庠喪其夜特流徹衆散歸綿竹廩遣故
陰平令張衡升遷劉本李本亦作升費恕就綏納皆為特所

永寧元年以下至押特等保廣漢
明刻本闕約七十六行

殺 許弇求為巴東監軍杜淑張繫逆不

李本作燦下同

許弇怒於州閣下手及殺淑繫即亦殺弇

二子厥腹心也 永寧元年春正月厥遣

萬餘人斷北道次綿竹以長史費遠為繼

前軍宿石亭特等相合得七百餘人夜襲

之因放火殺厥軍略盡進成都城中怙懼

中郎常美與費遠李苾張徵等夜斬閔委

厥走文武散盡厥獨與妻子乘小舡順水

至廣都為下人朱竺所殺疑厥字和叔

本巴西安漢人也祖世隨張魯內移家趙

趙王倫器之歷長安令天門武陵太守來

臨州長子曷在洛亦見誅 特流至成都

殺西夷護軍姜發及龔尼成都令袁治因

大抄掠遣牙門王角李基詣洛表狀初梁

州刺史羅尚聞厥反表厥非雄才又蜀人

願為亂必無同者事終無成敗亡可計日

而俟惠帝因拜尚平西將軍假節領護西

夷校尉益州刺史給衛節兵一千梁州兵

二千又配尚書都尉義部千五百人合四

千五百人遷梓潼太守樂陵徐儉為蜀郡

劉本作相都令袁洽

相劉李本相

洽劉李本洽

太守二字大書
揚烈二字大書

李本作正文作楊

李本作冉後尚

太守將軍隴西辛冉為廣漢太守 羅尚
又表請牙門將王敦兵七千餘人入蜀特

李本作後願李本作後應校云後存原

等聞尚來甚懼使弟驥奉迎特原進寶物
尚以驥為騎督特流奉牛酒勞尚於綿竹
王敦說尚曰特等隴上塞盜劫賊宜軍無
後患也會所殺之辛冉本趙王倫所用非
資次召當還欲討厥以自新亦言之尚不
納冉又謂特曰故人相逢不吉當凶特自
猜懼三月尚至州治汶山羌反於都安之
天拔山遣王敦討之殺數千人大沒女弱

為生口敦單馬馳為羌所殺

御史馮該張昌攝秦雍州從事督郵移還

流民從者萬餘家而特兄輔素留鄉里託

言迎家既至蜀因謂特曰中國亂不足還

遣天水閻式累詣尚求弛領校權停至秋

並進貨賂於尚該許之及秋又求至冬辛

冉李苾以為不可必欲移之式為別駕杜

弼說逼移利害弼亦欲寬送民一年辛冉

李苾以為不可尚從之弼致秀才板出還

家知計謀不行故也 時有白虹頭在井

李本作改

李本作可慮校云可行

劉本行

託李本作託

里尾在東山拖大城上治中從事巴西馬
休問闔式曰此何祥也式曰占言下有萬
屍氣甚迫於城非佳應劉季本無字位天孽可違乎平

西若能寬逆民災自消矣冉苩又白尚流

民前厥亂際多所在沒宜因移設關以奪

取 秋七月尚移書梓潼所在抱關 八

月關皆城闔式曰無寇而城讎必保之蜀

亂矣將 九月遣軍軍綿竹揚言種麥實揚劉季本作揚

備越逸冉又購特流首百足特驤悉更其

購云能送六郡大姓闔趙任楊李上官及

氏使梁竇符隗董費等首百足流民本無
還意大驚駭趣特 冬十月特流乃保赤

祖為二營特稱鎮北益州流鎮東皆大將

軍兄輔驃騎弟驤驍騎特長子蕩鎮軍少

子雄前軍李含季本作含下同西夷校尉含子國離及任

回上官晶李攀費他皆將軍以天水任臧

上官悖楊褒楊發楊珪王達翹歆陰平李

遠武都李搏搏季本作搏略陽夕斌等叅佐而闔式何

巨趙肅亦為賓從其餘皆有官号劉季號辛冉遣

護軍魯元攻之為特所殺尚遣督護田佐

牙門劉並助冉復敗進圍廣漢尚復遣犍
為太守李苾長史費遠助冉不能克冉託
罪於綿竹令南郡岐苞斬之而潰圍走德
陽特等得廣漢詐為表奏稱引梁統推舉
竇融故事以自貴大尚書檄告喻閻式式
荅曰辛冉傾巧杜景狂發魯元小監田佐
血氣不治李叔平才經廊廟無將帥之氣
討羸之羌謂可長爾式前為節下及杜景
文論留從之宜人懷桑梓孰不願之但往
初至隨穀庸債一室五分復值雨潦乞須

冬熟而不見聽必窮鹿抵席但恐繩之大
過逆民不肯延頸受刀其憂在後即聽式
言寬使治嚴不過去九月盡集十月生進
道令達鄉里何有如此也雅聽未察卹彼
過言今辛冉奴亡叔平長邀支分勢解事
漸及已所謂不寤曲突遠薪而有焦爛之
容也尚率其民盡渡郫水以南尚阻長圍
自都安至犍為七百里李本作梓押特等保廣漢太
安元年春尚牙門夏匡攻李特於立石失
利征西遣督護衙博西征討特博次梓潼

晉復拜前廣漢太守張微廣漢太守據德

列傳作微

陽尚遣督護巴西張龜督四十牙門軍

繁城博方遣叅軍蒙紹誘特降尚貽博書

曰昔年得李流牋降心款款由時威帖得

還為寇聞特委誠於下吏而流驤七八千

人來寇日至姦凶之態詭譎不測不可不

重以持之也博不從故為特所破於陽沔

梓潼太守張演委倉庫走巴西巴西郡丞

毛植五官襄班舉郡降特劉宋本亦無衙博才兼文

武征西大將軍河間王深器之初為陰平

太守為從事巴郡毛扶所免怨梁州人及

西征征西許雄以陽沔之沒寇尚未至聞

鸛鳴便退博欲委罪梁州託以自不供給

梁州治中表之博以是得罪晉乃更用許

雄為梁州刺史八月特破德陽流次成

都北上李驤在毗橋尚遣將張興偽降於

驤覘士眾還以告尚尚遣叟兵襲驤破之

李本誤上

劉宋本重出軍字

流驤并眾攻尚軍失利喪其器甲

原本無言字劉宋本亦無

晉梁

州刺史許雄數遣軍討特特備嶮不得進

征西乃遣監軍劉沈將西征以中國有事

不果而南夷校尉李毅遣叟兵助尚軍數

挫特勢日盛李本誤本二年春正月朔特攻尚水

上軍特從盜底渡黨徒從赤水渡入郫及

水西南緣江守軍皆散走太守徐儉逼降

尚保大城特營少城而流軍江西之檢上

蜀民先已結村堡特分人就主之雄書諫

特收質任無得分散猛銳流亦諫之特怒

曰大事以定但當安民何緣疑動而劫害

不止尚從事蜀郡任叡說尚曰原本無字特既去逆侵暴

百姓又分人眾散在諸村堡原本無字怠慌無備殆天亡特

之秋也可告諸村密剋戰日內外擊之破

特必矣尚從之從縋出叡使宣言告諸村

期二月十日同時討特手書隱語曰在彼

楊水叡先詣特降究觀虛實特問城中叡

曰米穀已欲盡但有貨帛耳因求省家特

與啓信諸村悉從叡還報尚如期出軍

討特諸村亦起大殺特眾破退追及於繁

之官桑斬特及兄輔遠等李流飲餘眾還

赤祖尚乘勝但施遊軍征盪傳特首洛陽

焚其屍李雄以李離為梓潼太守眾還

赤祖推流為大將軍大都督而荊州刺史
宋岱水軍三萬助尚次墊江前鋒違平太
守孫阜破特德陽守將蹇碩太守任臧徑
至涪 三月尚遣督護張龜何冲左汜等
軍繁城而綿竹降涪陵民藥列本作樂紳杜阿應尚
尚又遣督護常深軍毗橋為流驤禦蕩雄
攻紳深破驤殺李攀弟恭復為主左汜黃
閭逼攻特北營營中氐羌因符成隗伯石
定叛應汜閭攻蕩雄毋羅擐甲略陳伯
手及羅傷目壯氣益烈又時成伯戰於內

汜閭攻其外自晨至日中營垂欲破會流
破深蕩雄破紳還適與汜閭會大破之成
伯將其黨突出詣尚蕩策馬追退軍為叟
長矛所搯死羅雄秘不發喪以安衆心流
以特蕩死而岱阜並至恐懼李舍勸流降
流從之雄與驤諫之不納遣子世及舍子
胡質於阜 李離聞父舅將降自梓潼還
欲諫不及雄與離謀襲阜曰若功成事濟
當為人主要三年一更雄曰與君計雖定
老子不從若何離曰當制之若不可便行

大事雖君叔勢不得已老父在君夫復何
言雄乃說六郡人士激以尚之自侵懼以
共殘蜀民之禍陳阜可富貴之秋得以破
阜阜軍死者甚衆而岱病亡荊州軍退轉
攻尚 流慙其短軍事任雄雄數破尚軍
保大城 夏四月尚殺隱士劉敞敞故州
牧劉璋曾孫也隱居白鹿山高尚皓首未
嘗屈志亦不預世事尚信祆言殺之殺之
日雷震人大雨城中出水五月李流降于
孫阜遣子為質不可乃舉兵與李離龍衣阜阜

李本作常

李本作於

劉李本作雄 劉吳何李本重出雄字

軍敗績宋岱病卒墊江州軍退雄逼攻尚
尚保大城中 六月雄從帛羊頽渡攻殺
汶山太守陳圖據郫城 秋七月朔雄入
郫城流盡移營據之三蜀民流迸南入東
下野無煙火鹵掠無處亦尋飢餓唯涪陵
民千餘家在江西依青城山處士范賢自
守 平西叅軍涪陵徐輿求為汶山太守
撫帥江西民與官掎角討雄尚不許輿怨
之求使江西因叛降雄雄以為安西將軍給
其軍糧雄得以振 九月流病死雄復

李本作騎

劉吳何李本重出雄

劉何李本誤饑

稱大將軍都督州牧尚數攻列李作魏郾雄使武都
朴泰謫尚曰李驤與雄以飢餓孤危日鬪
爭相咎驤欲將民江西食穀若潛軍來我
為內應可得也尚以為然大與金寶泰曰
今事故未立效後取不晚也又求遣人自
隨覘伺尚從之泰要發火遣隗伯諸軍攻
郾驤使道設伏以長梯上伯軍伯軍見大
起皆爭緣梯雄因放兵擊之大破尚軍雄
徑追退夜至城下稱萬歲曰以得郾城矣
入少城尚乃覺保大城驤別攻捷為斷尚

運道獲太守武陵龔恢恢往為天水西縣
令任回為吏回問曰識故吏不恢曰識汝耳
郡吏星散惟製何李本作惟惟功曹楊渙侍衛回謂曰卿義
人也吾力恐不能拔龔君不能免卿也宜
早去渙曰背主求生何如守義而死遂并
見殺以李溥為捷為太守雄生獲伯知
其傷死創也伯女為梁雙妻為已用故不
殺閏十二月尚糧運不繼而被攻急夜
退由牛鞞水東下留牙門張羅持城終夜
比雄覺去以遠倉卒失節鉞羅持從後得

之并護資應雄得成都 梁州刺史許雄
以討賊不進檻車徵詣詔獄惟護軍與漢
國太守杜孟治都戰帥趙汶荊州太守梓
潼疑闕守漢中元興元年春正月尚至江陽
軍司辛寶詣洛表狀詔書權統巴東巴郡
涪陵三郡供其軍賦 冬尚移屯巴郡
遣軍掠蜀中斬雄從祖劉李本作母冉獲驤妻李本作外荀子壽
兄弟十二月雄太尉李離伐漢中殺戰師
趙汶 永嘉元年春尚拖置關戍至漢安
棘人道棘人劉李本作棘時益州民流移在荆湘州及越雋

牂柯尚書置郡縣就民所在又施諸村叅
軍 三月關中流民鄧定李本作氏等掠漢中
冬辰勢以叛巴西太守張燕帥牙門武肇
漢國郡丞宣定遣兵圍之氏求捄於李雄
夏五月雄遣李離李雲李璜李鳳入漢中
救定杜孟治聞離至命燕釋圍保州城初
燕攻定定衆飢餓偽降送金一器與燕燕
納之居七日氏至定還冬辰勢燕進圍之
不聽孟治言離至先攻肇營營破次攻定
又破之燕懼戰將百騎走離等大破州軍

牙門蔡松退造孟治曰州軍以破賊衆不可待也孟治怖護軍欲城守謂孟治曰賊來雖衆容氣之常李本作理區區有東南之逼必不分宿兵於外不過迎拔定氏耳孟治曰不然雄冒稱帝王縱橫天下以遣重衆必取漢中雖有牢城士民破膽不可與待寇也乃開門退走護軍北還孟治入大桑谷民數千家車數千兩一夜行才數十里而梓潼荆子疑字有疑以父與孟治有隙合子弟追之及於谷口孟治弃子走荆子獲之及吏民

千餘家惟漢國功曹母建荷擔仗曰吾雖不肖一國大夫國亡不能存終不屬賊也餓死谷中積十餘日離等引還漢中民向方白落率吏民還守南鄭劉本三字闕二年詔書錄尚討特功加散騎常侍都督二州進爵夷陵侯長子宇以佩奉車都尉拜次子延壽騎都尉梁州以雄所破壞晉更以皇甫商為梁州商不能之官更用順陽內史江夏張光為刺史治新城漢中民逼李鳳冠掠東走荆沔三年冬天水旬琦張金

苟略陽羅兼殺雄太尉李離降尚雄太傅
驤李雲李璜攻兼為所破殺雲璜雄從弟
也為司空 十有二月琦等送離母子於
尚尚斬之分其室 四年天水文石殺雄
太宰李國以巴西降尚梓潼巴西還屬
初巴西譙登詣鎮南請兵鎮南無兵表為
楊烈為李本作楊楊烈將軍梓潼內史義募三巴蜀漢民為
兵克復州郡先征宕渠殺雄巴西太守馬
脫還住涪折衝將軍張羅進據犍為之合
水巴蜀為語曰譙登治涪城文石在巴西

張羅守合水巴氏郡得前

那到吳何李本作那

秋七月尚薨

李本作子于巴郡尚字敬之一名仲字敬真襄陽人

也歷尚書丞郎武陵汝南太守徒梁州臨

州 詔書除長沙太守下邳皮素泰混為

劉吳何李本作楊

吳何本有字字

益州刺史兼西夷校尉楊烈將軍領義募

人及平西將軍當進治三關特李驤急攻

譙登素次巴東勅平西將軍張順楊顯抃

登尚子字恚恨加登糧運不給素至涪欲

治執事執事懷懼 冬十有二月素至巴

郡降人天水趙攀閻蘭等夜然素素字泰

劉吳何李本作報

吳何本無此句

混下邳人也建平都尉暴重然字及攀巴
郡亂不果揀登三府官屬上巴東監軍冠
軍將軍南陽韓松為刺史校尉治巴東
五年春正月李讓破涪城獲登巴西梓潼
復為雄有李本無蓋到李判字提行荆湘有亂氏符成隗文作亂
宜都西上巴東雄眾攻熒道走犍為太守
魏紀殺江陽太守姚襲二月氏隗文等反
於巴東暴重討之未下重殺刺史韓松
字公治南陽人魏大隗文吳何有巴字隗文作隗大徒暨孫也自領三
府事 三月三府文武與巴東太守更共

囚重及妻子於宜都殺之共表巴郡太守
張羅各本並有此三字字景治行三府事羅治枳自討隗文
於宮圻破降之旬月復叛劫巴郡太守黃
龕託以為主龕窮急自殺主簿楊預諫曰
文之宿惡江川所知拘劫明府誰不危心
虛假之名孰當信之可使張將軍知其冊
誠何遽如此龕曰賊已道斷何緣得令景
治知之預乃作龕書遣弟逃氏詣羅羅曰
子宣宣誠吳何本誤誠吾自明之耳隗文聞怒囚龕執
預聞遣信狀李本作社合龍曰不遣也文乃考預一日

夜預不言文欲殺龕預死杖下文義之赦
龕羅遣軍討之破還羅自討之敗績身死

羅字景治

吳何本無此三字

河南梁人也巴中無復餘種矣

文駟略吏民西上降雄將任回獲犍為太

守魏紀三府文武共表平西司馬王異行

三府事又領巴郡太守梁州刺史張光復

治漢中六年龍驤將軍江陽太守犍為

張啓與廣漢羅琦共然異異字彥明蜀人

也啓復行三府事羅琦行巴郡太守啓病

亡啓字進明犍為人蜀車騎將軍張翼孫

也三府文武復共表涪陵太守義陽向沈
行西夷校尉吏民南入涪陵建興元年

春沈卒涪陵多疫癘蜀郡太守江陽程融

宜都太守犍為楊芬西夷司馬巴郡常歆

都安令蜀郡常倉弘等共推汶山太守涪

陵蘭維為西夷校尉時中原既亂江東

有事揀援無所顧望融等共率吏民北出

枳欲下巴東遂為雄將李恭費黑所破獲

五月梁州刺史張光討王如黨涪陵李運

巴西王建於盤蛇便作山疑其欲叛也運

劉何李本無此字李本亦作拘劉何本作拘

建走保 枸山光遣軍攻破然之建女聳

李本作聞

楊虎保黃金山以叛討之虎夜弃營還趣

劉何李本作棄

厄水去州城四十里住光遣其子孟萇討

之迭有勝負光求助於武都氏王楊茂搜

虎亦求採於茂搜初茂搜子難敵遣養子

適賈梁州私買良人子一人光怒鞭殺之

難敵以是怨光曰使君初來大荒之後兵

世劉何李本作賈

民之命仰我氏活氏有小罪不能貫也陰

李本亦誤

謀討光會光虎求採 秋八月茂搜遣難

敵將騎入漢中外言助光內實應虎至州

城下光以牛酒饗勞遣與孟萇兵討虎孟

吳何本作虎

萇自處前難敵繼後與虎戰久難敵從後

擊孟萇大破生禽孟萇殺之 九月光恚

死州人共推始平太守胡子序領州 冬

十月虎與氏急攻州城子序不能守委城

退走氏虎得州城發光塚焚其屍喪難敵

劉何李本作號

得光鼓吹妓樂自号刺史虎領吏民入蜀

吳何本不重此字

漢中民張威等討難敵難敵退還咸復入

蜀於是三州沒為雄矣 蜀自太康至于

李本終於

太安頻怪異成成都北鄉有人嘗見女子碎

劉本作帝

入草中徃視物如人有身形頭目口無手
足能動搖不能言廣漢有馬生角長大各
半寸又有驢無皮毛祖李本作祖祖肉飲食數日死繁
什邡郫江原生草高七八尺莖葉赤子青
如牛角內史耿騰以為朱草表美於成都
王元康三年正月中欵劉美何李本作欵一夜有火光地仍
震童謠曰郫城堅盜底穿郫中細子李特
細又曰江橋頭闕下市成都北門十八子字
及尚在巴郡也又曰巴郡葛當下美巴郡
皮素之西吳何李本作西上也又曰有客有客來侵門陌

其氣欲索武平府君亡譙周言巴沒三十
年後當有異人入蜀蜀由之亡蜀亡之歲
去周三十三年又曰宋岱不死則孫阜不
交市三旬之間流雄吳何李作雄之首縣於轅門愚以
為宋岱方進阜見得質及更推敗設岱生
在無所依據矣杜弢自湘中與柳監軍書
曰前諸人不能寬李特一年又不以徐士
權為汶山太守而屯故如此謂失之毫釐
差以萬里斯言有似然必以不杜漸為恨
者流民初西當承認詔書閉關不入其次易

代趙廠選宜內遣平西綿竹之會聽王敦
之計少可以寧毫釐之覺非彼之謂也
譏曰先王規方萬國必兼親尊賢能而任
宗盟者蓋內藩王室外禦叛侮故元牧有
連率之職奉貢無失職之愆切吳何李本作爰奚反漢氏部
州必卿佐之才郡守皆台鼎之望是以王
尊王褒著名前世第伍倫蔡茂徑登三司
斯作遠之准格不凌之令範也自大同後
能言之士無不以西土張曠為憂求王皇
宗樹賢建德于時莫察視險若夷缺垣不
防任非其器啓戎長寇遂覆三州詩所謂
四國無正不用其良也

吳何李本誤妨

切吳何李本作五

華陽國志卷第八



